



Kev Qhia them Cov Nqi Yug

Me Nyuam Rov Qab

YOUR GUIDE TO REPAYING BIRTH COSTS

WI BUREAU OF CHILD SUPPORT



BadgerCare Plus thiab cov nqi yug me nyuam

Kev teev cov nqi yug me nyuam uas yuav them rov qab

- Cov nyiaj ua ntej txiav se
- Saib txog ntawm nyiaj txiag
- Rab peev xwm yuav khwv tau

Child support lai cov nqi yug me nyuam li cas

- Cov raug them nyiaj uas tau nyiaj tsawg

Cov lus uas cov txiv nug

Xav paub ntxiv lod?

Qhia ntxiv txog Nyiaj Them Yug Me Nyuam (Hmoob)

- Kev pab cuam
- Leej txiv raws txoj cai
- Teev nqi them yug
- Them nyiaj yug
- Hais kom tau nyiaj them yug
- Hloov los yog tso kev them nyiaj yug tseg
- Cov nyiaj them yug uas dhau lawm
- Cov Koom Haum Saib Xyuas Txog Phab Kev Txiaiv nyiaj Them Yug Me Nyuam
- Kev qhia pab rau cov niam txiv
- Cov cai thiab lub luag hauj lwm
- Cov kev pab cuam W-2, Nyiaj Ntsuab, thiab Nyiaj Them yug Me Nyuam
- Nyiaj Them Yug Me Nyuam thiab BadgerCare Plus

BadgerCare Plus thiab cov nqi yug me nyuam

BadgerCare Plus pab ntawv kho mob rau txhua tus me nyuam thiab cov tsev neeg uas muaj feem tau kev pab. Thaum ib leej niam/txiv uas tsis muaj poj niam los tsis muaj txiv, niam txiv sib cais, thiab sib nrauj lawm thov txog BadgerCare Plus kev pab, yuav muab ib txhia niam txiv cov npe xa mus rau lub koom haum saib xyuas txog phab kev txiav nyiaj them yug me nyuam kom tau txais lawv cov kev pab thiab.

Yog leej niam thiab leej txiv tsis tau sib yuav thaum lub sij hawm leej niam ua ntawv thov BadgerCare Plus es leej niam lub npe raug xa mus rau lub koom haum saib xyuas txog phab kev txiav nyiaj them nyiaj yug me nyuam lawm, tej zaum lub tsev hais plaub yuav yuam kom leej txiv them cov nqi yug tus me nyuam rov qab. Cov nqi them yug tus me nyuam yog cov nqi kho mob thaum lub sij hawm xeeb muaj tus me nyuam, thiab thaum yug tus me nyuam.

Yog muab tsev neeg twg lub npe mus rau lub koom haum saib xyuas txog phab kev txiav nyiaj them yug me nyuam lawm, **tej zaum** leej txiv uas tsis tau ua ntawv sib yuav nrog tus niam **yuav tsis** raug them cov nqi ntawd rov qab yog hais tias:

- Nkawv twb muaj ib tug me nyuam ua ntej lawm, thiab
- Nkawv yeej hais qhia rau BadgerCare Plus paub hais tais leej txiv yeej nrog nyob hauv lub tsev ua ntej yug tus me nyuam (twb yeej muab leej txiv lub nyiaj hli los lai ua ke nrog tsev neeg cov nyiaj lawm thaum ua ntawv thov BadgerCare Plus).

Kev teev cov nqi yug me nyuam uas yuav them rov qab

Raws li tseem fwv cov cai, cov koom haum saib xyuas txog phab kev txiav nyiaj them yug me nyuam yuav hais kom lub tsev hais plaub teev **tus nqi kom qis zog**:

1. Tsib feem pua (5%) ntawm leej txiv lub nyiaj hli mus li 36-lub hlis (3 xyoos).
 - Cov uas tau nyiaj tsawg, tus nqi yuav qis dua 5% ntawm leej txiv lub nyiaj hli. Saib tus qauv 3 thiab 4 hauv phab 2.

Nruab nrab ntawm cov nqi neeg feem coob them **LOS YOG** ib nrab ntawm cov nqi them mus txog rau tus nqi cov neeg feem coob them.

Kev teev cov nqi yug me nyuam uas yuav them rov qab – txuas ntxiv mus

Tseem ceeb tsim nyog paub: Raws li lub xeev txoj cai, tej zaum lub tsev hais plaub yuav siv lwm txoj kev los laij cov nqi yug me nyuam. Saib cov lus nug txog kev ua se tau nyiaj rov los nyob phab 3 (Puas yuav muab kuv cov nyiaj ua se tau los koj mus them cov nqi yug me nyuam?) saum toj kom thiaj paub hais tias qhov nov yuav raug koj li cas.

Leej txiv lub nyiaj hli yog nws cov nyiaj tau ua ntej txiav se tawm **LOS YOG** lub nyiaj hli nws “muaj peev xwm mus khwv tau los.” Tej zaum lub tsev hais plaub kuj yuav xyuas txog leej txiv tej nyiaj txiag tas nrho.

Yog hais tias koj yog ib tug tswv cuab ntawm ib pab Wisconsin Tribe, thov qhia cov ntaub ntawv ntawm qhov koj sau npe nrog rau kws txiav txim plaub ntug.

Leej txiv rab peev xwm khwv tau nyiaj yog xyuas los ntawm nws

- kev khwv tau yav tas
- kev noj qab haus huv thiab nyob zoo
- kev kawm ntawv, kawm hauj lwm, thiab kev ua hauj lwm lub sij hawm no
- puas muaj hauj lwm qhib nyob cheeb tsam nws nyob

Child support laij cov nqi yug me nyuam li cas

Piv Txwv 1 – raws li tus nqi nruab nrab ntawm cov nqi neeg feem coob them rau cov nqi yug me nyuam

1. Leej txiv lub nyiaj hli yog \$1,500. Cov nyiaj tau hauv 36 lub hli los yog \$54,000 ($\$1,500 \times 36$). 5% ntawm leej txiv cov nyiaj tau hauv 36 lub hli los yog **\$2,700** ($\$54,000 \times 0.05$)
2. Ib nrab ntawm tus nqi neeg feem coob them yog **\$3,162**

Lub koom haum saib xyuas txog phab kev txiav nyiaj them yug me nyuam yuav hais kom lub tsev hais plaub teev tus nqi yug me nyuam ua **\$2,700** (tus nqi qis tshaj).

Piv Txwv 2 – raws li cov nqi yug me nyuam

1. Leej txiv lub nyiaj hli yog \$2,000. Cov nyiaj tau huav 36 lub hli los yog \$72,000 ($\$2,000 \times 36$). 5% ntawm leej txiv cov nyiaj tau hauv 36 lub hli los yog **\$3,600** ($\$72,000 \times 0.05$).
2. Ib nrab ntawm cov nqi yug me nyuam yog **\$4,000**
3. Tus nqi nruab nrab ntawm cov nqi sawv daws them yog **\$6,323**

Lub koom haum saib xyuas txog phab kev txiav nyiaj them yug me nyuam yuav hais kom lub tsev hais plaub teev tus nqi ntawd ua **\$3,600** (tus nqi qis tshaj).

Cov neeg raug them uas tau nyiaj tsawg tsawg

Yog lub tsev hais plaub siv cov txheej txheem hauv qhov Percentage Guidelines los teev tus nqi them yug me nyuam rau cov neeg uas raug them es tau nyiaj tsawg tsawg (Low-Income Payer), lub koom haum saib xyuas txog phab kev txiav nyiaj them yug me nyuam yuav hais kom lub tsev hais plaub siv tus nqi qis dua 5% ntawm leej txiv lub nyiaj hli. Tus raug them uas tau nyiaj tsawg tsawg (Low-Income Payer) yuav tau tus nqi xam raws li tseem fwv tus txheej txheem teev rau cov neeg txom nyem (Federal Poverty Level). Cov txheej txheem no yeej muab kho dua tshiab txhua txhua xyoo.

Piv txwv 3

Leej txiv lub nyiaj hli yog \$781. Cov nyiaj tau los ntawm 36 lub hlis yog \$28,116 ($\781×36 hli). Tus txheej txheem rau cov neeg txom nyem uas tau nyiaj ($\$781/\text{hlis}$) yog 3.42%.

Lub koom haum saib xyuas txog phab kev txiav nyiaj them yug me nyuam yuav hais kom lub tsev hais plaub teev cov nqi yug me nyuam ua **\$962** ($\$781 \times 3.42\% \times 36 = \962.00).

Piv txwv 4:

Leej txiv lub nyiaj hli yog \$1,000. Cov nyiaj tau los ntawm 36 lub hlis yog \$36,000 ($\$1,000 \times 36$ hli). Tus txheej txheem rau cov neeg txom nyem uas tau nyiaj ($\$1,000/\text{hlis}$) yog 3.97%.

Lub koom haum saib xyuas txog phab kev txiav nyiaj them yug me nyuam yuav hais kom lub tsev hais plaub teev cov nqi yug me nyuam rau thaj tsam **\$1,430** ($\$1,000 \times 3.97\% \times 36 = \$1,430.00$).

Cov lus uas cov txiv nug txog

Puas yuav muab kuv cov nyiaj ua se tau los koj mus them cov nqi yug me nyuam?

Muab, **yog hais tias** lub tsev hais plaub teev cov nqi raws li koj cov nyiaj khwv tau los, los yog raws li koj muaj peev xwm mus khwv tau. Cov nyiaj ua se tau rov qab los yuav raug muab koj mus rau kev them yug me nyuam thiab lwm cov nqi xws li thaum yug tus me nyuam. Qhov nov hu ua kev cuam tshuam nyiaj ua se tau los, los yog “kev cuam tshuam cov nyiaj ua se tau los” (tax intercept). Saib *Qhia Txog Cov Nqi Uas Dhau Lawm* kom paub ntxiv txog kev cuam tshuam nyiaj ua se tau rov qab los. (*Qhia Txog Cov Nqi Uas Dhau Lawm* muaj nyob rau ntawm koj lub koom haum saib xyuas txog phab kev txiav nyiaj them yug me nyuam thiab hauv internet ntawm dcf.wisconsin.gov.)

Tseem fwv cov cai txwv tsis pub muab cov nyiaj ua se tau ntawm tseem fwv los mus them rau cov nqi thaum yug tus me nyuam **yog hais tias** lub tsev hais plaub teev tus nqi ntawd siab tshaj 5% ntawm koj lub nyiaj hli, los yog raws li koj yuav muaj peev xwm mus khwv tau. Nco ntsoov hais tias Wisconsin txoj cai pub rau lub tsev hais plaub siv lwm txoj kev los laij cov nqi uas thaum yug tus me nyuam. Koj yuav tshuav tus nqi uas lub tsev hais plaub teev rau koj them.

Cov neeg raug them uas tau nyiaj tsawg tsawg – txuas ntxiv mus

Ua li cas thiaj tsis kom leej niam nrog them cov nqi yug tus me nyuam?

Raws li tseem fwv txoj cai, cov niam txiv uas tau BadgerCare Plus yuav tsis raug them cov nqi mus cuag kws kho mob rau lawv tus kheej, los yog cov me nyuam uas nrog lawv nyob. Yog li ntawd lub koom haum saib xyuas txog phab kev txiav nyiaj them yug me nyuam thiaj yuav hais kom lub tsev hais plaub muab ib nrab, tsis yog tas nrho, ntawm tus nqi los yog tus nqi nruab nrab ntawm cov nqi thaum yug tus me nyuam los laij teev cov nqi uas yuav raug them rov qab. Qhov nyiaj them dua no keev yog ib feem nkaus xwb ntawm tag nrho tus nqi rau thaum yug thiab cev xeeb muaj me nyuam.

Puas yog kuv yuav tsum them cov nqi yug me nyuam rov qab tsis pub dhau 36 lub hlis (3 xyoos)?

Tsis yog, tsis yog li txoj cai. Lub sij hawm 36-hli yog siv hauv kev teev cov nqi thaum yug tus me nyuam uas koj yuav tau them rov qab. Lub tsev hais plaub mam teev tus nqi yuav them txhua hli. Tus nqi nov yog hu ua “periodic payment”, los yog maj mam them raws sij hawm teev kom them.

Yog kuv yuav leej niam ua ntej yug tus me nyuam, kuv puas yuav raug them cov nqi yug tus me nyuam rov qab?

Txawm hais tias koj thiab leej niam neb sib yuav ua ntej los yog tom qab yug tus me nyuam, tej zaum lub tsev hais plaub kuj yuav hais kom koj them cov nqi yug me nyuam rov qab. Txawm li cas los, ib txhia tsev hais plaub kuj tsis hais kom them cov nqi yug me nyuam rov qab yog hais tias leej niam thiab leej txiv ho sib yuav lawm.

Yog muab kuv cov nqi them yug me nyuam laij raws li kev sib pab tu me nyuam los yog siv cov txheej txheem laij raws tsev neeg, los yog siv qhov serial family formulas, puas muaj lwm txoj kev laij tus nqi yug tus me nyuam?

Tsis muaj. Tus txheej txheem yuav teev tus nqi kom qis dua tsuas yog siv los laij cov nqi rau cov neeg txom nyem uas raug yug me nyuam xwb.

Puas muaj paj yuav tsub rau cov nqi yug me nyuam mos uas tsis tau them?

Tsis muaj.

Ua yog leej niam daim ntawv kho mob los yog kuv daim ntawv kho mob twb them cov nqi yug me nyuam lawm ne?

Cov nqi yug me nyuam yuav muab txo raws li daim ntawv kho mob tau them lawm. Leej niam los yog leej txiv uas muaj ntawv kho mob yuav tsum muaj pov thawj hais tais daim ntawv kho mob yeej them ib co, los yog tas nrho cov nqi lawm. Yog daim ntawv kho mob tsis them cov nqi yug tus me nyuam, lub tsev hais plaub yuav txiav txim kom koj them cov nqi uas tseem tshuav ntawd.

Piv txwv tias: Cov nqi yug yog \$1,500. Daim ntawv kho mob them \$1,000. Lub tsev hais plaub yuav hais kom koj them qhov seem uas yog \$500 ($\$1,500 - \$1,000 = \500).

Thov nco ntsoov: Niam txiv yuav tsum nug mus rau qhov chaw muab daim ntawv kho mob seb lub caij zwm npe yog thaum twg thiaj paub ntxiv cov niam uas cev tsis tab seeb thiab cov me nyuam mos yug tshiab.

Xav paub ntxiv lod?

- Kev pab cuam BadgerCare Plus yuav teb koj cov lus nug txog BadgerCare Plus.
Hu **1-800-362-3002** (711 TTY) los yog xa ntawv mus rau tus email memberservices@wisconsin.gov nov.
- Cov koom haum BadgerCare Plus kuj yuav teb tau cov lus nug txog BadgerCare Plus.
Cov koom haum nov muaj teev nyob hauv koj phau ntawv teev xov tooj nyob hauv cov kev pab cuam hauv nroog los yog tribal human services thiab hauv internet ntawm
<http://www.dhs.wisconsin.gov/forwardhealth/imagency/index.htm>.
- Koj lub koom haum saib xyuas txog phab kev txiav nyiaj them yug me nyuam yuav teb tau cov lus nug txog ntawm kev them nyiaj yug me nyuam. Cov koom haum saib xyuas txog phab kev txiav nyiaj them yug me nyuam muaj teev nyob hauv koj phau ntawv teev xov tooj hauv “county government” los yog pab tribal lub npe thiab hauv internet ntawm dcf.wisconsin.gov.
- Muaj qhia ntxiv hauv internet ntawm dcf.wisconsin.gov (Hmoob). Cov tsev qiv ntawv feem ntau muaj Internet pub dawb rau neeg siv.

Los yog nug mus rau:

DCF yog ib lub chaw ua haujlwm muab kev pab sibtxig sibluag. Yog koj yog neeg xiam oo khab thiab xav tau cov ntaub ntawv no txhais ua lwmyam lus, hu rau (608) 266-9909 or 711 TTY (hu dawb). Yog xav paub txog koj txoj cai hu rau (608) 422-6889 los yog 711 TTY (hu dawb).